



REPUBLIKA E SHQIPËRISË
PREFEKTI I QARKUT ELBASAN
SEKTORI JURIDIK

Nr. 734/1 Prot.

Elbasan më 29.6. 2021

Lënda: Konfirmim akti

KËSHILLIT BASHKIAK ELBASAN

Në mbështetje të nenit 16 të ligjit nr.107/2016 datë 27.10.2016 “Për Prefektin e Qarkut”, pas verifikimit të ligjshmërisë së aktit tuaj nr.61 datë 21.06.2021 “Për miratimin e themelimit të shoqërisë sportive ‘AKADEMIA E FUTBOLLIT ELBASANI’ sha”, konfirmojmë në parim, mbështetjen e tij në ligj.



PREFEKTI

Spiro Maliqi



REPUBLIKA E SHQIPËRISË
BASHKIA ELBASAN
KËSHILLI BASHKIAK

Nr. 2765/Prot.
1

Elbasan, më 22.6.2021

VENDIM

Nr. 61 datë 21.6.2021

***“Për miratimin e themelimit të shoqërisë sportive “AKADEMIA E FUTBOLLIT ELBASANI”
sh.a.”***

Këshilli Bashkiak Elbasan, në mbledhjen e tij të datës ___6.2021, duke marrë në konsideratë nevojat për zhvillimin e sportit të futbollit në qytetin e Elbasanit, pasi mori në shqyrtim propozimin e paraqitur nga Kryetari i Bashkisë Elbasan, bazuar në ligjin nr.139/2015 “Për vetëqeverisjen vendore” (i ndryshuar), në ligjin nr.9901 datë 14.4.2008 “Për tregtarët dhe shoqëritë tregtare” (i ndryshuar), në ligjin nr.9723 datë 03.5.2007 “Për regjistrimin e biznesit” (i ndryshuar), në ligjin nr.79/2017 “Për sportin” (i ndryshuar) si dhe në ligjin nr.68/2017 “Për financat e vetëqeverisjes vendore”;

VENDOSI:

1. Të miratojë themelimin e shoqërisë sportive “AKADEMIA E FUTBOLLIT ELBASANI” sh.a., në formën e një shoqërie aksionare, me ofertë private.
2. Të miratojë aktin e themelimit dhe statutin e kësaj shoqërie, bashkëlidhur këtij vendimi.
3. Aksionari i vetëm i shoqërisë dhe zotërues i 100% të aksioneve është Bashkia Elbasan.
4. Kapitali themeltar i shoqërisë është 3.500.000 lekë.
5. Tranferimin e fondit 3.500.000 lekë, në buxhetin e vitit 2021, nga objekti “Rikonstruksion i shkollës së mesme artistike “Onufri” (bashkfinancim me FZHR)”, programi 09120, në programin 08130, artikulli 604, për financimin e pikës 6 të këtij vendimi.
6. Autorizohet Kryetari i Bashkisë, ose personi i autorizuar prej tij, për aplikimin e regjistrimit fillestar të shoqërisë, sipas kërkesave të përcaktuara në ligjin nr.9723 datë 03.5.2007 “Për

- regjistrimin e biznesit” (i ndryshuar).
7. Pas regjistrimit si shoqëri tregtare, të fillojnë procedurat e regjistrimit të kësaj shoqërie si anëtare në Federatën Shqiptare të Futbollit, sipas kërkesave të përcaktuara në ligjin nr.79/2017 “Për sportin” (i ndryshuar).
 8. Për zbatimin e këtij vendimi ngarkohet Kryetari i bashkisë dhe administrata e bashkisë.
 9. Ky vendim hyn në fuqi 10 ditë pas shpalljes.

SEKRETARI

Klajd Gripshi



KRYETARI

Hektor Ciftja

Konceptoi:

Drejtori i Buxhetit:

M. Beluli

Drejtori Juridik:

O. Deliallisi

Drejtori i Përgjithshëm i PAABF:

L. Dervishi

Drejtori i Përgjithshëm i SHO:

B. Çabiri

Sekretari i Përgjithshëm:

A. Bylykbashi

Zv/kryetari:

A. Qose



REPUBLIKA E SHQIPËRISË
BASHKIA ELBASAN

Nr. 2765 Prot.

Elbasan, më 21.6.2021

AKT THEMELIMI

***“Për krijimin e shoqërisë sportive “AKADEMIA E FUTBOLLIT ELBASANI” (AFE)
sh.a.”***

Bashkia Elbasan, person juridik publik, me seli në Elbasan, me adresë: Lagjia “11 Nëntori”, rruga “Qemal Stafa”, në mbështetje të ligjit nr.139/2015 “Për vetëqeverisjen vendore” (i ndryshuar), të ligjit nr.9901 datë 14.4.2008 “Për tregtarët dhe shoqëritë tregtare” (i ndryshuar), të ligjit nr.9723 datë 03.5.2007 “Për regjistrimin e biznesit” (i ndryshuar), të ligjit nr.79/2017 “Për sportin” (i ndryshuar) si dhe akteve të tjera ligjore e nënligjore që drejtojnë këtë aktivitet, ka vendosur si mëposhtë vijon:

NENI 1

Forma juridike

Të themelojë shoqërinë sportive “AKADEMIA E FUTBOLLIT ELBASANI” sh.a. në formën e një shoqërie aksionare, me ofertë private. Në të gjitha aktet që do të nxjerrë shoqëria kundrejt të tretëve si dhe në të gjitha aktet e brendshme të saj, do të shënohet detyrimisht emri “AKADEMIA E FUTBOLLIT ELBASANI” sh.a. (ose shkurt “AFE” sh.a.), sipas përcaktimeve të bëra në këtë Akt Themelimi dhe në Statut.

NENI 2

Qëllimi i krijimit të shoqërisë

Qëllimi i krijimit të kësaj shoqërie është zhvillimi i aktivitetit sportiv të futbollit, rritja e vlerave sportive për sportin e futbollit, duke zbuluar elementë të talentuar dhe përgatitja e tyre për të ardhmen e sportit në përgjithësi. Veprimtaria e kësaj shoqërie do të jetë me karakter ekonomik dhe

qëllim fitimprurës.

NENI 3

Emri, logoja dhe vula e shoqërisë

Shoqëria do të dalë në qarkullimin juridiko - civil me emrin "AKADEMIA E FUTBOLLIT ELBASANI" sh.a. Ajo do të ketë logon dhe vulën e saj.

Logoja do të përmbajë ngjyrat verdhë e blu, simbolet historike të qytetit të Elbasanit (kullën e sahatit, murin e kalasë), topin e futbollit dhe vitin e krijimit.

NENI 4

Objekti i veprimtarisë

Veprimtaria e shoqërisë do të jetë:

- Organizimi i aktiviteteve sportive të futbollit;
- Krijimi i ekipeve zinxhir dhe pjesëmarrja në garat sportive të organizuara nga Federata Shqiptare e Futbollit;
- Aderimi dhe regjistrimi si klub në Federatën Shqiptare të Futbollit dhe në të gjitha llojet e aktiviteteve të futbollit, kombëtare dhe ndërkombëtare;
- Futja në tregun e lojtarëve, për të blerë dhe shitur lojtarë sipas nevojave të ekipit;
- Aktivitete të tjera në fushën e futbollit për interesat e shoqërisë dhe të komunitetit;

Shoqëria, brenda kufijve të parashikuara nga legjislacioni në fuqi, do të kryejë çdo operacion tregtar dhe financiar që lidhet drejtpërdrejtë ose tërthorazi me objektin e saj.

Shoqëria do të kryejë aktivitetin e saj pas marrjes dhe në përputhje me licencat apo lejet përkatëse.

NENI 5

Selia e shoqërisë dhe afati i veprimtarisë

Selia e shoqërisë sportive "AKADEMIA E FUTBOLLIT ELBASANI" sh.a. do të jetë në Elbasan, me adresë: Pallati i Sportit "Tomorr Sinani".

Shoqëria zhvillon aktivitetin e saj për një afat kohor të pacaktuar, duke filluar nga dita e regjistrimit të saj në regjistrin tregtar pranë Qendrës Kombëtare të Biznesit.

NENI 6

Kapitali themeltar

Kapitali themeltar i shoqërisë është 3.500.000 (tremilion e pesëqindmijë) lekë.

Ai është i ndarë në 100 aksione të së njëjtës kategori me vlerë nominale prej 35.000 (tridhjetë e pesëmijë) lekë, për çdo aksion të shlyer për tërësinë e vlerës nominale të tyre. Aksionet janë të numërtuara nga 1 deri në 100 aksione.

Aksionari themelues i shoqërisë “AKADEMIA E FUTBOLLIT ELBASANI” sh.a., Bashkia Elbasan, zotëron 100% të vlerës së aksioneve, në kapitalin themeltar të kësaj shoqërie, të barabartë me 100 numër aksionesh, me vlerë 3.500.000 (tremilion e pesëqindmijë) lekë.

NENI 7

Kapitali i shoqërisë

Kapitali themeltar i shoqërisë do të jetë i përbërë nga kontributi në para dhe / ose në natyrë i aksionarit themelues të kësaj shoqërie.

Kontributi në para do të jetë i përbërë nga shuma prej 3.500.000 lekë, që është edhe vlera minimale e kapitalit themeltar për shoqërinë, me ofertë private.

Kapitali i shoqërisë është depozituar në Bankën Kombëtare Tregtare (BKT), dega Elbasan, në llogarinë “Shoqëri në Formim e Sipër”, në datën e nënshkrimit të këtij akti themelimi. Pas regjistrimit, kjo shumë do të kalojë në llogarinë e kësaj shoqërie, që do të çelet pranë BKT. Në llogarinë e shoqërisë çelet llogaria “Fondi themeltar i aksionarit”, ku regjistrohet vlera e kapitalit të tij.

NENI 8

Organet drejtuese

Duke ju referuar ligjit nr.9901 datë 14.4.2008 “Për tregtarët dhe shoqëritë tregtare” (i ndryshuar), organet drejtuese të shoqërisë janë si më poshtë vijon:

- Asambleja e Përgjithshme e Aksionarit - organi më i lartë vendimarrës;
- Këshilli Mbikqyrës - organ i mbikqyrjes;
- Administratori - organ ekzekutiv dhe administrativ i shoqërisë.

NENI 9

Këshilli Mbikqyrës

Këshilli Mbikqyrës i shoqërisë përbëhet nga 3 (tre) anëtarë, të cilët janë caktuar si mëposhtë:

- Z. Adi Qose, i datëlindjes 10.6.1992, lindur e banues në Elbasan, identifikuar me ID nr. J20610104C;
- Z. Dorian Bylykbashi, i datëlindjes 08.8.1980, lindur e banues në Elbasan, identifikuar me ID nr. I00808068R;
- Z. Artin Kovaçi, i datëlindjes 08.8.1962, lindur e banues në Elbasan, identifikuar me ID nr. G20808056R;

Kohëzgjatja e mandatit te anëtarëve të Këshillit Mbikqyrës do të jetë 3 (tre) vjet. Ata kanë të drejtë të rizgjidhen.

NENI 10

Administratori

Shoqëria administrohet nga Administratori, i cili zgjidhet për një afat 3 (tre) vjeçar.

Administratori i parë i shoqërisë sportive “AKADEMIA E FUTBOLLIT ELBASANI” sh.a. është z. Marenglen Çoku.

Shoqëria përfaqësohet para çdo organi administrativ, gjyqësor, enti publik apo privat dhe në marrëdhënie me të tretët nga Administratori i saj, z. Marenglen Çoku, i cili i ushtron këto të drejta në përputhje me Statutin e shoqërisë dhe legjislacionin në fuqi.

NENI 11

Eksperti kontabël

Shoqëria sportive “AKADEMIA E FUTBOLLIT ELBASANI” sh.a. do të ketë 1 (një) ekspert kontabël të autorizuar.

Eksperti kontabël i autorizuar i shoqërisë është z. Lavdim Musaj, i datëlindjes 03.7.1959, identifikuar me ID nr. F90703002U, i pajisur me licensë nr. 60.

NENI 12

Organizimi dhe funksionimi i shoqërisë, ngritja e degëve apo filialeve të saj, do të bëhet në përputhje me dispozitat e ligjit përkatës dhe statutit.

NENI 13

Aksionari themelues mund të vendosi, me vullnetin e tij, për pjesëmarrjen në shoqëri të tjera dhe të

krijohë çdo lloj aktiviteti tjetër privat, përveçse atij që mund të jetë konkurues me atë të shoqërisë “AKADEMIA E FUTBOLLIT ELBASANI” sh.a.

NENI 14

Mosmarrëveshjet për themelimin e shoqërisë zgjidhen me mirëkuptim nga aksionarët themelues dhe kur kjo nuk arrihet, ato zgjidhen nga gjykata kompetente sipas dispozitave ligjore në fuqi.

Aksionari i vetëm i shoqërisë sportive “AKADEMIA E FUTBOLLIT ELBASANI” sh.a.

BASHKIA ELBASAN

Përfaqësuar nga Kryetari i saj

Gledian Llatja





REPUBLIKA E SHQIPËRISË
BASHKIA ELBASAN

Nr. 2765 Prot.

Elbasan, më 21.6.2021

STATUTI

I

SHOQËRISË SPORTIVE “AKADEMIA E FUTBOLLIT ELBASANI” (AFE) sh.a.

Sot, më datë 21.06.2021, me cilësinë e aksionarit themelues:

Bashkia Elbasan, person juridik publik, me seli në Elbasan, me adresë: Lagjja “11 Nëntori”, rruga “Qemal Stafa”, ka vendosur krijimin e shoqërisë sportive “AKADEMIA E FUTBOLLIT ELBASANI” sh.a., si mëposhtë vijon:

KAPITULLI I

FORMA LIGJORE, EMËRTIMI, SELIA E SHOQËRISË

NENI 1

Forma juridike

Në mbështetje të vullnetit të aksionarit themelues, të shprehur në aktin e themelimit, si dhe në pajtim të plotë me dispozitat e ligjit nr.139/2015 “Për vetëqeverisjen vendore” (i ndryshuar), të ligjit nr.9901 datë 14.4.2008 “Për tregtarët dhe shoqëritë tregtare” (i ndryshuar), të ligjit nr.9723 datë 03.5.2007 “Për regjistrimin e biznesit” (i ndryshuar), të ligjit nr.79/2017 “Për sportin” (i ndryshuar), si dhe akteve të tjera ligjore e nënligjore që drejtojnë këtë aktivitet, themelohet shoqëria tregtare sportive “AKADEMIA E FUTBOLLIT ELBASANI” sh.a., në formën e një shoqërie aksionare, me ofertë private, e cila do të funksionojë sipas dispozitave të Aktit të Themelimit dhe këtij Statuti.

NENI 2

Emërtimi

Emërtimi i shoqërisë do të jetë shoqëria sportive “AKADEMIA E FUTBOLLIT ELBASANI” sh.a. (ose shkurt “AFE” sh.a.)

NENI 3

Objekti i veprimtarisë

1. Veprimtaria e shoqërisë do të jetë:
 - a) Organizimi i aktiviteteve sportive të futbollit;
 - b) Krijimi i ekipeve zinxhir dhe pjesëmarrja në garat sportive të organizuara nga Federata Shqiptare e Futbollit;
 - c) Aderimi dhe regjistrimi si klub në Federatën Shqiptare të Futbollit dhe në të gjitha llojet e aktiviteteve të futbollit, kombëtare dhe ndërkombëtare;
 - d) Futja në tregun e lojtarëve, për të blerë dhe shitur lojtarë sipas nevojave të ekipit;
 - e) Aktivitete të tjera në fushën e futbollit për interesat e shoqërisë dhe të komunitetit;
2. Shoqëria, brenda kufijve të parashikuara nga legjislacioni në fuqi, do të kryejë çdo operacion tregtar dhe financiar që lidhet drejtpërdrejtë ose tërthorazi me objektin e saj.
3. Shoqëria do të kryejë aktivitetin e saj pas marrjes dhe në përputhje me liçencat apo lejet përkatëse.

NENI 4

Kohëzgjatja e veprimtarisë

Afati kohor i zhvillimit të aktivitetit është i pakufizuar dhe fillon me regjistrimin e shoqërisë në Regjistrin Tregtar pranë Qendrës Kombëtare të Biznesit.

Aksionari/ët e shoqërisë mund të vendosin kufizimin e afatit të veprimtarisë dhe më pas zgjatjen e saj një apo disa herë, sipas një vendimi të posaçëm.

KAPITULLI II

KAPITALI THEMELTAR, AKSIONET, NDRYSHIMET E KAPITALIT

NENI 5

Kapitali themeltar

Kapitali themeltar i shoqërisë është 3.500.000 (tremilion e pesëqindmijë) lekë.

Ai është i ndarë në 100 aksione të së njëjtës kategori me vlerë nominale prej 35.000 (tridhjetë e pesëmijë) lekë, për çdo aksion të shlyer për tërësinë e vlerës nominale të tyre. Aksionet janë të

numërtuara nga 1 deri në 100 aksione.

Aksionari themelues i shoqërisë sportive "AKADEMIA E FUTBOLLIT ELBASANI" sh.a., Bashkia Elbasan, zotëron 100% të vlerës së aksioneve, në kapitalin themeltar të kësaj shoqërie, të barabartë me 100 numër aksionesh, me vlerë 3.500.000 (tremilion e pesëqindmijë) lekë.

NENI 6

Regjistri i aksioneve

Pronësia e aksioneve vërtetohet nga regjistrimi i tyre në emër të pronarëve në regjistrin e mbajtur për këtë qëllim nga shoqëria, sipas mënyrës së parashikuar me ligj. Me kërkesën e aksionarit, shoqëria lëshon një vërtetim të regjistrimit të aksioneve në pronësi të tij. Administratori i shoqërisë është përgjegjës për mbajtjen e regjistrit të aksioneve sipas ligjit.

NENI 7

Zmadhimi i kapitalit themeltar

Kapitali themeltar i shoqërisë mund të zmadhohet sipas mënyrave dhe rregullave të parashikuara në nenet 168 - 180 të ligjit nr.9901 datë 14.4.2008 "Për tregtarët dhe shoqëritë tregtare" (i ndryshuar).

Me përjashtim të rastit të parashikuar në nenin 176 të ligjit të mësipërm, zmadhimi i kapitalit themeltar mund të bëhet vetëm me vendim të Asamblesë së Përgjithshme, e cila vendos me 3/4 (tre të katërtat) e votave të aksionarëve, që zotërojnë më shumë se gjysmën e numrit total të aksioneve, me të drejtë vote, apo përfaqësuesit e tyre, të cilët marrin pjesë në votim personalisht ose votojnë me shkresë apo me mjete elektronike.

Kapitali themeltar nuk mund të zmadhohet nëse nuk janë shlyer ende kontributet për aksionet e nënshkruara më parë.

Administratori është i detyruar të njoftojë për regjistrim, pranë Qendrës Kombëtare të Biznesit, vendimin për zmadhimin e kapitalit.

NENI 8

Zvogëlimi i kapitalit themeltar

Zvogëlimi i kapitalit themeltar të shoqërisë kryhet vetëm me vendim të Asamblesë së Përgjithshme të Aksionarëve të shoqërisë dhe në pajtim me dispozitat e neneve 181 - 186 të ligjit nr.9901 datë 14.4.2008 "Për tregtarët dhe shoqëritë tregtare" (i ndryshuar).

Zvogëlimi i kapitalit themeltar mund të bëhet vetëm me vendim të Asamblesë së Përgjithshme, e cila vendos me 3/4 (tre të katërtat) e votave të aksionarëve, që zotërojnë më shumë se gjysmën e numrit total, personalisht ose votojnë me shkresë apo me mjete elektronike.

Zvogëlimi i kapitalit realizohet nëpërmjet zvogëlimit të vlerës nominale të aksioneve.

Zvogëlimi i kapitalit themeltar nuk duhet të çënojë raportin e aksionarit para këtij zvogëlimi.

Kapitali themeltar nuk mund të zvogëlohet nën shumën minimale të kërkuar nga ligji.

NENI 9

Të drejtat dhe detyrimet e lidhura me aksionet

Çdo aksion jep të drejtën e pjesëmarrjes në fitimet vjetore të shoqërisë, të destinuara për shpërndarje dhe tepricën e aktivitetit të mbetur, në rastin e likuidimit, në përpjestim me aksionet që zotëron.

Pronësia mbi aksionet jep edhe të drejtën e votës dhe të përfaqësimit në mbledhjet e Asamblesë së Përgjithshme, në kushtet e përcaktuara në ligj dhe në Statut.

Aksionarët përgjigjen për detyrimet e shoqërisë ndaj të tretëve dhe për humbjen e saj deri në masën e shumës nominale të aksioneve që zotëron. Ndalohet kërkimi i fondeve të kësaj shume.

Kur aksionet u kalojnë aksionarëve të rinj, këta ruajnë të drejtat dhe detyrimet që vijnë nga aksionet. Pronësia e një aksioni përmban automatikisht të drejtën e aderimit në Statutin e shoqërisë dhe në vendimet e Asamblesë së Përgjithshme.

KAPITULLI III

ORGANET E SHOQËRISË

SEKSIONI I

ASAMBLEJA E PËRGJITHSHME

NENI 10

Mbledhjet e Asamblesë dhe efektet detyruese të vendimeve

Të drejtat e aksionarëve, për çeshtjet e lidhura me veprimtaritë e funksionimit të shoqërisë, ushtrohen nëpërmjet Asamblesë së Përgjithshme. Çdo Asamble, e mbledhur rregullisht, përfaqëson tërësinë e aksioneve të zotëruara nga aksionari.

NENI 11

Të drejtat dhe detyrimet e Asamblesë

Asambleja e Përgjithshme merr vendime për çështjet e shoqërisë, si mëposhtë:

- 1) Përcaktimin e politikave tregtare;
- 2) Ndryshime në Statut;
- 3) Emërimin dhe shkarkimin e anëtarëve të Këshillit Mbikqyrës;
- 4) Emërimin dhe shkarkimin e likujduesit dhe ekspertit kontabël të autorizuar;
- 5) Miratimin e skemës së shpërblimeve për anëtarët e Këshillit Mbikqyrës, Administratorit, likujduesit dhe ekspertit kontabël të autorizuar;
- 6) Miratimin e pasqyrave financiare vjetore;
- 7) Shpërndarjen e fitimeve vjetore;
- 8) Zmadhimin ose zvogëlimin e kapitalit të regjistruar;
- 9) Pjestimin e aksioneve dhe anulimin e tyre;
- 10) Ndryshime në të drejtat që lidhen me aksione të llojeve e kategorive të veçanta;
- 11) Riorganizimi dhe prishja e shoqërisë;
- 12) Miratimin e rregullave proceduriale të mbedhjeve të saj;
- 13) Çështje të tjera të parashikuara në ligj dhe Statut.

NENI 12

Organizimi i mbledhjeve të Asamblesë

Asambleja thirret nga Administratori, Këshilli Mbikqyrës ose aksionarët të cilët zotërojnë aksione, që përfaqësojnë të paktën 5% të kapitalit të regjistruar të shoqërisë.

Ajo thirret të paktën një herë në vit. Asambleja mbledhet në selinë e shoqërisë ose në çdo vend tjetër të treguar në thirrje, si brenda territorit të Republikës së Shqipërisë ashtu dhe jashtë territorit, e cila tregohet në njoftimin përkatës.

Thirrja e Asamblesë bëhet me anë të njoftimit me shkresë ose nëpërmjet postës elektronike, që i dërgohet aksionarëve së bashku me rendin e ditës, jo më vonë se 21 ditë përpara ditës së parashikuar të mbledhjes. Njoftimi duhet të përmbajë ditën, orën dhe vendin e mbledhjes, natyrën

e Asamblesë dhe rendin e ditës.

Kur Asambleja e mbledhur nuk ka mundur të marrë vendim për shkak se nuk është siguruar kuorumi i kërkuar, mbledhja e dytë thirret jo më vonë se një muaj nga data e thirrjes së mbledhjes së parë në të njëjtat forma si e para.

Njoftimi ose letrat e thirrjes së mbledhjes së dytë rikujtojnë datën dhe rendin e ditës.

NENI 13

Rendi i ditës

Rendi i ditës së mbledhjes së Asamblesë, që njoftohet si mësipër, duhet të përmbajë edhe vendimet e propozuara për çdo çështje. Nëse Asambleja e Përgjithshme duhet të vendosë për ndryshimin e Statutit, teksti i ndyshimeve duhet të njoftohet së bashku me rendin e ditës.

Administratori duhet t'i përgjigjet me shkrim çdo kërkesë me shkrim, për sqarim për rendin e ditës, dërguar nga aksionarët jo më vonë se 8 ditë përpara datës së mbledhjes së Asamblesë së Përgjithshme.

Kur Asambleja e Përgjithshme nuk është thirrur sipas formaliteteve si mësipër, ajo mund të marrë vendime të vlefshme vetëm nëse të gjithë aksionarët janë të pranishëm dhe shprehen dakord për të marrë vendime, pavarësisht parregullsive.

Projektrezolutat dhe dokumentet shoqëruese duhet të mbërrijnë në selinë e shoqërisë të paktën 5 ditë përpara datës së mbledhjes së Asamblesë.

NENI 14

Evidenca e pjesëmarrjes, drejtimi i mbledhjes dhe proçesverbalet

Një aksionar mund të përfaqësohet në Asamblenë e Përgjithshme, në bazë të një autorizimi nga një aksionar tjetër apo nga një person i tretë.

Gjatë mbledhjes së Asamblesë përgatitet lista e aksionarëve të pranishëm dhe të përfaqësuesëve të tyre, ku shënohen emrat dhe adresat e secilit, së bashku me numrin e aksioneve, numrin e votave që këto aksione japin, vlerën nominale të aksioneve, si dhe llojin apo kategorinë e tyre, të zotëruara nga secili pjesëmarrës. Kjo listë nënshkruhet prej tyre.

Rregulloret përkatëse të mbledhjeve mund të parashikojnë se aksionarët që nuk janë të pranishëm kanë mundësinë e pjesëmarrjes në Asamble me mjete të ndryshme komunikimi, përfshirë mjete elektronike, me kusht që të garantohet identifikimi i aksionarëve.

Të gjitha vendimet e Asamblesë së Përgjithshme duhet të regjistrohen në procesverbal.

Procesverbali duhet të përmbajë të dhënat vijuese: datën e mbledhjes, vendin e mbledhjes, rendin e ditës, emrin e kryetarit dhe të mbajtësit të procesverbalit, rezultatet e votimit, vendimet e marra, qëndrimin e kryetarit për vendimarrjen, si dhe aksionarëve që janë shprehur kundër. Procesverbalit i bashkëlidhen edhe lista e pjesëmarrësve dhe dokumentacioni i thirrjes së Asamblesë së Përgjithshme. Procesverbali dhe lista e pjesëmarrësve duhet të nënshkruhen nga kryetari dhe nga mbajtësi i procesverbalit.

Administratori është përgjegjës për ruajtjen e procesverbaleve.

Jo më vonë se 15 ditë nga data e mbledhjes, Administratori është i detyruar të publikojë kopje të procesverbalit të mbledhjes së Asamblesë së Përgjithshme në faqen e internetit të shoqërisë, për t'u konsultuar vetëm nga ana e aksionarëve të shoqërisë.

NENI 15

Kuorimi

Për çështjet që vendosen me shumicë të zakonshme, Asambleja merr vendime të vlefshme, vetëm nëse janë të pranishëm ose të përfaqësuar aksionarët që zotërojnë më shumë se 30% të aksioneve, me të drejtë vote. Për çështje që kërkojnë shumicë të kualifikuar, Asambleja mund të marrë vendime të vlefshme vetëm nëse aksionarët që zotërojnë më shumë se gjysmën e numrit total të aksioneve me të drejtë vote, apo përfaqësuesit e tyre marrin pjesë në votim personalisht ose votojnë me shkresë apo me mjete të tjera elektronike.

Nëse Asambleja e Përgjithshme nuk mund të mbledhet për shkak të mungesës së kuorumit të kërkuar, Asambleja mbledhet përsëri jo më vonë se 30 ditë me të njëjtin rend dite.

NENI 16

Marrja e vendimeve

Asambleja e Përgjithshme vendos me tre të katërtat e votave të aksionarëve, që marrin pjesë në votim në lidhje me ndryshimin e statutit, zmadhimin ose zvogëlimin e kapitalit të regjistruar, shpërndarjen e fitimeve, riorganizimin dhe prishjen e shoqërisë. Për çështjet e tjera Asambleja e Përgjithshme merr vendime me shumicën e votave të aksionarëve që marrin pjesë.

NENI 17

Mënyra e votimit

Asambleja e Përgjithshme merr vendimet nëpërmjet votimit të hapur për emërimin dhe shkarkimin

e anëtarëve të Këshillit Mbikqyrës apo Administratorit.

Asambleja e Përgjithshme vendos me votim të fshehtë, nëse kjo mënyrë kërkohet nga aksionarët që zotërojnë një numër aksionesh që përfaqësojnë të paktën 5% të kapitalit të regjistruar të shoqërisë.

NENI 18

Vënia në dispozicion, të aksionarit, e dokumenteve dhe informacioneve

Shoqëria mban dhe vë në dispozicion të aksionarit / ëve, në kushtet dhe në afatet e parashikuara nga ligji, raportet, dokumentet dhe llogaritë vjetore që shqyrton Asambleja.

Me përjashtim të inventarëve dhe të ndonjë dokumenti tjetër, të caktuar nga Asambleja, dokumentet, që duhet t'u vihen në dispozicion aksionarit / ëve, i dërgohen këtij bashkë me njoftimthirrjen për mbledhje.

SEKSIONI 2

KËSHILLI MBIKQYRËS

NENI 19

Përbërja dhe emërimi

Këshilli Mbikqyrës kryen funksion mbikqyrës për të gjithë veprimtarinë e shoqërisë.

Këshilli Mbikqyrës përbëhet nga 3 deri në 21 anëtarë, të cilët nuk mund të jenë dhe administratorë të shoqërisë. Ata zgjidhen nga Asambleja e Përgjithshme me shumicën e votave të aksionarëve që marrin pjesë.

Aksionarët e shoqërisë kanë të drejtë të përzgjedhin secili nga 1 (një) anëtar në përbërjen e Këshillit Mbikqyrës.

Anëtarët e parë të Këshillit Mbikqyrës do të jenë 3 (tre), si mëposhtë vijon:

- Z. Adi Qose, i datëlindjes 10.6.1992, lindur e banues në Elbasan, identifikuar me ID nr. J20610104C;
- Z. Dorian Bylykbashi, i datëlindjes 08.8.1980, lindur e banues në Elbasan, identifikuar me ID nr. I00808068R;
- Z. Artin Kovaçi, i datëlindjes 08.8.1962, lindur e banues në Elbasan, identifikuar me ID nr. G20808056R;

të cilët kanë pranuar detyrën.

Kohëzgjatja e mandatit të anëtarëve të Këshillit Mbikqyrës do të jetë 3 (tre) vjet. Ata kanë të drejtë të rizgjidhen.

Këshilli Mbikqyrës, nga përbërja e tij, ka një kryetar dhe një zëvendëskryetar, që ngarkohen me organizimin dhe zhvillimin e mbledhjeve të Këshillit. Ata ushtrojnë funksionet e tyre gjatë tërë periudhës së mandatit të dhënë.

Kryetar i Këshillit Mbikqyrës të shoqërisë do të jetë z. Adi Qose, i datëlindjes 10.06.1992, lindur e banues në Elbasan, identifikuar me ID nr. J20610104C.

NENI 20

Mbledhjet dhe vendimet e Këshillit Mbikqyrës

Statuti ose Këshilli Mbikqyrës mund të përcaktojë rregullore për procedurën e funksionimit të mbledhjeve të Këshillit, si dhe të marrjes së vendimeve. Vendimet e Këshillit për këto rregullore duhet të jenë unanime.

Zhvillimi i mbledhjeve të Këshillit regjistrohet në një procesverbal, i cili duhet të nënshkruhet nga kryetari. Procesverbali përmban vendin dhe datën e takimit, emrat e pjesëmarrësve, rendin e ditës, një përshkrim për çështjet e diskutuara dhe vendimet e marra. Parregullsitë për mbajtjen e procesverbalit nuk kanë si pasojë pavlefshmërinë e vendimeve të marra. Secili anëtar ka të drejtë të marrë një kopje të procesverbalit.

Vendimet e Këshillit Mbikqyrës vlerësohen si të vlefshme nëse në procesin e vendimarrjeve janë të pranishëm më shumë se 1/2 e anëtarëve. Me përjashtim të rasteve kur parashikohet ndryshe në statut, vendimet merren me shumicën e votave të anëtarëve të pranishëm dhe, kur për një çështje ka barazim votash, vota e kryetarit mbizotëron.

Vendimet e Këshillit Mbikqyrës mund të merren sipas përcaktimeve të statutit apo rregulloreve të Këshillit duke shprehur votën me shkresë, telefon apo me mjete të tjera të komunikimit elektronik, që bëjnë të mundur identifikimin e anëtarit.

Anëtari i Këshillit Mbikqyrës nuk mund të ushtrojë të drejtën e votës, nëse Këshilli Mbikqyrës duhet të marrë vendim për:

- vlerësimin e veprimtarisë së tij;
- faljen e ndonjë detyrimi në ngarkim të tij;
- ngritjen e një padie ndaj tij nga shoqëria;
- dhënien ose jo të përfitimeve të tjera.

NENI 21

Kohëzgjatja e funksioneve të anëtarëve të Këshillit Mbikqyrës

Kohëzgjatja e anëtarëve të parë të Këshillit Mbikqyrës është 3 vjet, me të drejtë rizgjedhje.

Ata mund të shkarkohen nga detyra me vendim të Asamblesë së Përgjithshme me shumicë të thjeshtë votash.

NENI 22

Shkarkimi i anëtarëve të Këshillit Mbikqyrës

Këshilli Mbikqyrës, me shumicë të thjeshtë votash, mund t'i kërkojë gjykatës të shkarkojë një anëtar në rastet e shkeljes së detyrave të parashikuara në pikën 3 të nenit 163 të ligjit nr.9901 datë 14.4.2008 "Për tregtarët dhe shoqëritë tregtare" (i ndryshuar).

NENI 23

Shpërblimi i anëtarëve të Këshillit Mbikqyrës

Anëtarët e Këshillit Mbikqyrës mund të përfitojnë pagë bazë e shpërblime shtesë, përfshirë këtu dhe pjesë nga fitimi i shoqërisë apo të drejta opsiioni mbi aksionet e shoqërisë. Skema e këtyre shpërblimeve përgatitet nga Këshilli Mbikqyrës dhe miratohet nga Asambleja e Përgjithshme.

NENI 24

Të drejtat, detyrimet dhe përgjegjësitë e Këshillit Mbikqyrës

1. Këshilli Mbikqyrës ka këto të drejta dhe përgjegjësi:
 - a) Të japë direktiva për Administratorin, për zbatimin e politikave tregtare të shoqërisë;
 - b) Të kontrollojë dhe të mbikqyrë zbatimin e politikave tregtare të shoqërisë nga Administratori;
 - c) Të përgatisë, me kërkesë të Asamblesë së Përgjithshme, marrjen e masave që janë kompetencë e kësaj të fundit, t'i rekomandojë asaj vendime të nevojshme për t'u marrë si dhe të zbatojë vendimet e Asamblesë;
 - d) Të kujdeset që shoqëria të respektojë ligjin dhe standartet e kontabilitetit;
 - e) Të thërrasë mbledhjen e Asamblesë së Përgjithshme, sa herë vlerësohet e nevojshme për interesat e shoqërisë;

- f) Të shqyrtojë dhe të kontrolloj librat kontabël, dokumentet dhe aktivet e shoqërisë;
 - g) Të sigurojë se pasqyrat financiare vjetore, raportet e ecurisë së veprimtarisë, si dhe detyrimet e tjera teëraportimit e publikimit, të detyrueshme në bazë të ligjit apo statutit, kryhen me saktësi nga Administratori. Këto dokumente duhet të miratohen e të nënshkruhen nga të gjithë anëtarët e Këshillit Mbikqyrës për t'iu paraqitur Asamblesë së Përgjithshme, së bashku me një raport të Këshillit Mbikqyrës për miratim dhe një përshkrim për mbikqyrjen e menaxhimit gjatë të gjithë vitit financiar;
 - h) Të sigurojë se auditimi i librave dhe regjistrimeve kontabël të kryhet të paktën një herë në vit nga një ekspert kontabël i autorizuar, i pavarur dhe raporti i auditimit, drejtuar Asamblesë së Përgjithshme, t'u vihet në dispozicion të gjithë anëtarëve të Këshillit Mbikqyrës. Raporti i Këshillit Mbikqyrës të përmendur në pikën g), duhet të përmbajë dhe mendimin për raportin e auditimit;
 - i) Të emërojë dhe të shkarkojë Administratorin, si dhe të përcaktojë kompetencat e tij;
 - j) Të përcaktojë shpërblimin e Administratorit;
 - k) Të miratojë marrjen përsipër të detyrimeve me vlerë me të lartë se 5% të aseteve të shoqërisë, që rezulton në pasqyrat e fundit financiare, të çertifikuara, nëpërmjet nënshkrimit të huajve apo emetimit të obligacioneve apo instrumentave të tjera të borxhit;
 - l) Të vendosë krijimin e bashkëpunimeve afatgjata dhe propozimin e politikave, për themelimin e shoqërive tregtare ose të grupeve të reja;
 - m) Të miratojë kalimin e aksioneve me propozim të Administratorit të shoqërisë;
 - n) Të kryejë veprimet e tjera të përcaktuara në ligj dhe në statut;
2. Këshilli Mbikqyrës duhet të thërrasë menjëherë Asamblenë e Përgjithshme në rastet si mëposhtë:
- a) Kur sipas bilancit vjetor apo raporteve të ndërmjetme financiare rezulton apo parashikohet se humbjet arrijnë në një vlerë të barabartë me 50% të kapitalit ose që aktivet e shoqërisë nuk mbulojnë detyrime që janë të kërkueshme brenda 3 muajve në vijim;
 - b) Kur shoqëria propozon të shesë apo të disponojë aktive të cilat kanë një vlerë më të lartë se 5% të aseteve të shoqërisë, që rezulton në pasqyrat e fundit financiare të çertifikuara;
 - c) Kur brenda 2 viteve të para, pas regjistrimit, propozon të blejnë, nga një aksionar, pasuri që kanë vlerë më të lartë se 5% të aseteve të shoqërisë.

3. Kryetari i Këshillit Mbikqyrës ushtron të drejtën e përfaqësimit të shoqërisë në të gjitha marrëdhëniet me Federatën Shqiptare të Futbollit.

NENI 25

Personi juridik, anëtar i Këshillit Mbikqyrës

Një person juridik, që është aksionar i shoqërisë, nuk mund të jetë anëtar i Këshillit Mbikqyrës. Ata janë individë të cilët duhet të jenë të pavarur dhe të ndryshëm nga Administratori i shoqërisë.

SEKSIONI 3

ADMINISTRATORI

NENI 26

Administratori drejton e administron shoqërinë dhe merr vendime për mënyrën e vënies në zbatim të politikave tregtare.

Administratori i parë i përgjithshëm është z. Marenglen Çoku, i datëlindjes 02.01.1983, lindur e banues në Elbasan, identifikuar me ID nr. F70102169H.

NENI 27

Emërimi dhe shkarkimi

Administratorë të shoqërisë mund të jenë një ose disa persona fizikë. Ata emërohen nga Këshilli Mbikqyrës për një afat të përcaktuar në statut, i cili nuk mund të jetë më i gjatë se 3 (tre) vjet. Ata mund të rizgjdhen.

Administratori i një shoqërie mëmë nuk mund të zgjidhet si administrator i një shoqërie të kontrolluar dhe anasjelltas. Administratori i një shoqërie mëmë nuk mund të jetë Kryetar i Këshillit Mbikqyrës të një shoqërie të kontrolluar dhe anasjelltas.

Këshilli Mbikqyrës ka të drejtë të shkarkojë administratorët në çdo kohë.

NENI 28

Të drejtat dhe përgjegjësitë

1. Administratori ka të drejtë dhe detyrohet:
 - a) Të kryej të gjitha veprimet e administrimit të veprimtarisë tregtare të shoqërisë;
 - b) Të përfaqësojë shoqërine tregtare;

- c) Të kujdeset për mbajtjen e saktë dhe të rregullt të dokumenteve dhe librave kontabël të shoqërisë;
 - d) Të përgatisë dhe nënshkruaj bilancin vjetor, bilancin e konsoliduar dhe raportin e ecurisë së veprimtarisë, të cilat ia paraqet Këshillit Mbikqyrës për miratim, së bashku me propozimet për shpërndarjen e fitimeve, për tu paraqitur më pas për miratim nga Asambleja e Përgjithshme;
 - e) Të krijoj një sistem monitorimi e njoftimi të hershëm për rrethanat, që kërcënojnë ekzistencën e shoqërisë;
 - f) Të kryej regjistrimet dhe publikimet e detyrueshme të të dhënave të shoqërisë, sipas parashikimeve ligjore;
 - g) Të raportojë, përpara Këshillit Mbikqyrës, për zbatimin e politikave tregtare dhe realizimin e veprimeve me rëndësi të veçantë për veprimtarinë e shoqërisë;
 - h) Të kryej detyra të tjera të përcaktuara në ligj dhe në statut;
2. Administratori duhet të informojë menjëherë Kryetarin e Këshillit Mbikqyrës në rastet kur:
- a) sipas bilancit vjetor apo raporteve të ndërmjetme financiare rezulton apo parashikohet se humbjet arrijnë në një vlerë të barabartë me 50% të kapitalit ose që aktivet e shoqërisë nuk mbulojnë detyrimet që janë të kërkueshme brenda 3 muajve në vijim;
 - b) shoqëria propozon të shesë apo të disponojë aktive të cilat kanë një vlerë më të lartë se 5% e aseteve të shoqërisë, që rezultojnë në pasqyrat e fundit financiare të çertifikuara;
 - c) brenda 2 viteve të para, pas regjistrimit, propozohet blerja, nga një aksionar, e pasurisë që ka vlerë më të lartë se 5% e aseteve të shoqërisë.

NENI 29

Përfaqësimi i shoqërisë

Administratori përfaqëson shoqërinë në lidhje me të tretët.

Administratorët, të cilët kanë të drejtë të përfaqësojnë shoqërinë tregtare në mënyrë të përbashkët, mund të autorizojnë disa prej tyre për kryerjen e disa veprimeve të caktuara.

Tagrat e përfaqësimit të administratorit /ëve dhe çdo ndryshim i tyre regjistrohen pranë Qendrës Kombëtare të Biznesit.

NENI 30

Detyrime dhe përgjegjësi të përbashkëta të Këshillit Mbikqyrës dhe Administratorit

Administratorët dhe anëtarët e Këshillit Mbikqyrës detyrohen;

- 1) Të kryejnë detyrat e tyre në mirëbesim e në interesin e shoqërisë;
- 2) Të ushtrojnë kompetencat që u jep ligji dhe Statuti;
- 3) Të vlerësojnë në mënyrë të përshtatshme çështjet për të cilat merret vendim;
- 4) Të parandalojnë dhe të mënjanojnë rastet e konfliktit, të pranishme apo të mundshme të interesave personale me atë të shoqërisë;
- 5) Të ushtrojnë detyrat e tyre me profesionalizëm dhe kujdesin e nevojshëm;

Ata përgjigjen ndaj shoqërisë për çdo veprim ose mosveprim gjatë kryerjes së detyrave të tyre. Ata përgjigjen në mënyrë solidare për vërtetësinë e të gjitha pasqyrave financiare, të publikimeve të detyrueshme dhe informacioneve të tjera kryesore të veprimtarisë së shoqërisë.

NENI 31

Mbikqyrja e veçantë

Aksionarët, të cilët përfaqësojnë të paktën 5% të kapitalit bazë ose një përqindje më të vogël të parashikuar në Statut, apo kreditorët e shoqërisë, pretendimet e të cilëve ndaj saj janë të paktën 5% të kapitalit të regjistruar, mund t'i kërkojnë Këshillit Mbikqyrës të kryejë mbikqyrje të veçantë për çështje të posaçme, sidomos kur merret në shqyrtim ligjshmëria e veprimeve të administratorëve.

KAPITULLI IV

EKSPERTËT KONTABËL

NENI 32

Emërimi dhe shpërblimi

Asambleja e Përgjithshme ka të drejtën për të caktuar një ose disa ekspertë kontabël të zgjedhur nga listat e Insitutit të Ekspertëve Kontabël të Autorizuar.

Në caktimin e ekspertëve mbahen parasysh përjashtimet dhe papajtushmëritë e përcaktuara në rregullat e posaçme. Ekspertët kontabël caktohen për një kohë që i përgjigjet një ushtrimi financiar. Ata janë të ricaktueshëm.

Shpërblimi i ekspertëve kontabël të autorizuar caktohet nga Asambleja e Përgjithshme dhe

përballohet nga shoqëria.

Shoqëria sportive "AKADEMIA E FUTBOLLIT ELBASANI" sh.a. do të ketë 1 (një) ekspert kontabël.

NENI 33

Detyrat dhe të drejtat

Detyrat dhe të drejtat e ekspertëve kontabël të autorizuar të shoqërisë janë ato të parashikuara nga legjislacioni shqiptar në fuqi.

Asambleja e Përgjithshme mund t'u kërkojë ekspertëve kontabël të autorizuar kryerjen e kontrolleve apo verifikimeve të posaçme për çështje me interes të shoqërisë. Me marrjen e raportit të ekspertëve kontabël të autorizuar, Asambleja miraton raportin dhe bilancin e shoqërisë. Raportet që ata përgatisin depozitohen në selinë e shoqërisë, në afatet e parashikuara nga ligji.

KAPITULLI V

LLOGARITË VJETORE, CAKTIMI I REZULTATIT

NENI 34

Viti financiar

Shoqëria përgatit, çdo vit financiar, llogaritë vjetore në pajtim me ligjin për kontabilitetin.

Viti financiar fillon më 1 janar dhe mbaron më 31 dhjetor të çdo viti.

NENI 35

Caktimi i rezultateve

Rezultati i vitit financiar nxirret dhe caktohet në pajtim me legjislacionin në fuqi dhe mbas dhënies së raportit përfundimtar nga ekspertët kontabël të autorizuar.

NENI 36

Fitimet dhe fondi rezervë

Fitimet, që rezultojnë nga bilanci ushtrimor, do të shpërndahen, sipas një vendimi përkatës të Asamblesë, ndërmjet aksionarëve pasi të jenë zbritur, nga kjo shumë, taksat dhe tatimet sipas ligjit, vlerat e humbjeve të pësuar gjatë vitit ushtrimor paraardhës si dhe 5% që destinohet për fondet e rezervës së domosdoshme, derisa kjo të ketë arritur nivelin maksimal prej 1/10 e kapitalit themeltar.

Aksionarët mund të vendosin sipas ligjit për një destinim të ndryshëm të fitimit të pashpërndarë. Me vendimin e miratimit të bilancit ushtrimor, Asambleja e Përgjithshme mund të vendosë t'i destinojë fitimet që i takojnë ortakëve në formë dividendi për zmadhim të kapitalit themeltar, investime ose mbartje, etj.

KAPITULLI VI

PRISHJA, LIKUJDIMI, KUNDËRSHTIMET

NENI 37

Prishja, likujdimi

1. Shoqëria aksionare prishet:

- a) Kur mbaron kohëzgjatja për të cilën është themeluar;
- b) Kur merr vendim Asambleja e Përgjithshme;
- c) Me hapjen e procedurave të falimentimit;
- d) Kur nuk ka kryer veprimtari sportive për dy vjet dhe nuk është njoftuar pezullimi i veprimtarisë pranë Qendrës Kombëtare të Biznesit;
- e) Me vendim gjykate.

2. Shoqëria aksionare likujdohet në dy mënyra: likujdimi i zakonshëm dhe likujdimi i thjeshtëzuar.

- a) Likujdimi i zakonshëm kryhet nga likujduesit e emëruar nga Asambleja e Përgjithshme. Në rast se Asambleja nuk merr vendim për caktimin e likujduesit ai zgjidhet nga gjykata.

Detyra e likujduesve është mbyllja e të gjitha veprimeve të shoqërisë, mbledhja e kredive të paarkëtuara dhe e kontributeve të pashlyera, shitja e pasurive të shoqërisë dhe shlyerja e kreditorëve.

Në bazë të padive të ngritura nga kreditorët, nëse likujduesit vërejnë se pasuria e shoqërisë sportive, përfshirë kontributet e pashlyera, nuk është e mjaftueshme për pagesën e këtyre pretendimeve, atëherë detyrohen ta pezullojnë procedurën e likujdimit e t'i kërkojnë gjykatës përkatëse nisjen e procedurave të falimentit.

Likujduesi përgatit një bilanc të gjendjes së shoqërisë, në çastin e hapjes së likujdimit, dhe një bilanc përfundimtar, në çastin e mbylljes së këtyre procedurave. Nëse procedura e një likujdimi zgjat më shumë se një vit, likujduesi përgatit gjithashtu pasqyrat financiare

vjetore të shoqërisë.

Bilancet miratohen nga Asambleja e Përgjithshme.

Pas shlyerjes së detyrimeve ndaj kreditorëve, likujduesi u shpërndan ortakëve apo aksionarëve aktivet e mbetura, sipas të drejtave që ato kanë në ndarjen e fitimeve, me përjashtim të rastit kur Statuti parashikon rradhë preference.

Pas shpërndarjes së aktiveve të mbetura, likujduesi njofton Qendrën Kombëtare të Biznesit për përfundimin e likujdimit dhe kërkon çregjistrimin e shoqërisë.

- b) Për sa i përket likujdimit të thjeshtëzuar, ky mund të kryhet nëpërmjet një procedurë të përshpejtuar, nëse kjo vendoset nga të gjithë ortakët apo aksionarët dhe kur këta deklarojnë përpara gjykatës përkatëse se të gjithë detyrimet e shoqërisë ndaj kreditorëve janë shlyer dhe janë rregulluar të gjitha marrëdhëniet me punëmarrësit.

Administratori / ët njoftojnë pranë Qendrës Kombëtare të Biznesit vendimin për likujdimin e shoqërisë, nëpërmjet procedurës së thjeshtëzuar; gjithashtu ata janë përgjegjës për dëmin e shkaktuar nga shkelja e detyrave të tyre gjatë likujdimit të thjeshtë.

NENI 38

Zgjidhja e mosmarrëveshjeve

Të gjitha mosmarrëveshjet gjatë funksionimit të shoqërisë ose gjatë likujdimit të saj, që lindin midis shoqërisë dhe Aksionierit ose midis vetë Aksionarëve, lidhur me veprimtarinë e shoqërisë, i nënshtrohen juridiksionit të gjykatës kompetente, në kushtet e parashikuara nga legjislacioni shqiptar në fuqi.

KAPITULLI VII

DISPOZITA TË FUNDIT

NENI 39

Nëpunësit, të zgjedhurit nga organet drejtuese të shoqërisë dhe personat që punojnë për llogari të saj, mbajnë përgjegjësi penale e civile, sipas ligjit përkatës, kur me dashje shkelin detyrat e ngarkuara dhe i shkaktojnë humbje shoqërisë.

NENI 40

Statuti hyn në fuqi pas miratimit dhe regjistrimit të shoqërisë në Regjistrin Tregtar në Qendrën

Kombëtare të Biznesit.

Gjithçka që nuk është parashikuar shprehimisht në këtë Statut do të disiplinohet nga legjislacioni tregtar, dhe ligje të tjera të lidhura me të, në fuqi në Republikën e Shqipërisë, në veçanti nga ligji nr.9901 datë 14.4.2008 “Për tregtarët dhe shoqëritë tregtare” (i ndryshuar).

Aksionari i vetëm i shoqërisë sportive “AKADEMIA E FUTBOLLIT ELBASANI” sh.a.

BASHKIA ELBASAN

Përfaqësuar nga Kryetari i saj

Gledian Llatja

